

Izveštaj sa 4. kongresa endokrinologa i dijabetologa u Bosni i Hercegovini sa međunarodnim učešćem

Od 25.04. do 28.4.2024. godine u Sarajevu (hotel Novotel) je održan Četvrti po redu kongres endokrinologa i dijabetologa u Bosni i Hercegovini sa međunarodnim učešćem a u organizaciji Udruženja/Udruge endokrinologa i dijabetologa u BiH.

Kongres je i ovog puta okupio vrhunske stručnjake iz oblasti dijabetologije i endokrinologije iz zemlje i inostranstva. Oko 180 učesnika iz zemlje i inostranstva je imalo priliku da komunicira sa eminentnim profesorima i stručnjacima iz regije, Evrope i svijeta kao što su:

-Nam Cho (Južna Koreja), bivši predsjednik IDF-a (Svjetske federacije za dijabetes), Emeritus Professor of Preventive Medicine, Ajou University School of Medicine, sa fantastičnim naučnim opusom visokom citiranošću.

-Anton Luger (Austrija), Predstavnik nacionalnih udruženja u sklopu Evropskog društva endokrinologa (ESE), ekspert za hipotalamo-hipofizarnu osovinu

-Beata Kos Kudla (Poljska), ekspert za neuroendokrine tumore

-Geroge Mastorakos (Grčka), ekspert za hipotalamus i hipofizu te reproduktivnu endokrinologiju

-Đuro Macut (Srbija), ekspert za endokrine tumore i reproduktivnu endokrinologiju, član izvršnog odbora ESE, predsjednik srpskog društva za reproduktivnu endokrinologiju i zamjenik direktora najveće endokrinološke ustanove u Srbiji.

- Tatjana Milenković (S. Makedonija), ekspert za dijabetes i predsjednica DESG-a, te poredsjednica makedonske naučna asocijacije za endokrinologiju i dijabetologiju

- Tomaž Kocjan (Slovenija), ekspert za osteoporozu

- Miloš Žarković (Srbija), ekspert za štitnu žlijezdu

- Maja Radman (Hrvatska), ekspert za andrologiju

- Dario Rahelić (Hrvatska), ekspert za dijabetes, predsjednik Hrvatskog društva za dijabetes i direktor Vuk Vrhovec Univerzitetske klinike za dijabetes

- te brojni drugi profesori iz naše zemlje i regije koji su eksperti u brojnim područjima endokrinologije.

Poseban doprinos su dali i eksperti iz drugih oblasti kao što su gastroenterologija, farmakologija, genetika, precizna medicina.

Holistički pristup zdravstvenoj zaštiti pacijenata izuzetno je važan, posebno u ovim izazovnim vremenima. Ovaj kongres je bio osmišljen da podrži naučnu i profesionalnu interakciju u okviru svih oblasti endokrinologije, a sa ciljem unapređenja znanja i poboljšanja njege pacijenata.

Naučni komitet je u saradnji sa vrsnim međunarodnim i lokalnim stručnjacima osmislio koncizan i sveobuhvatni naučni program koji pokriva sva endokrinološka fokusna područja: Urgentna stanja u endokrinologiji, Neuroendokrinologija, Bolesti štitne i paratiroidne žlijezde, Metaboličke bolesti kostiju, Bolesti nadbubrega, Reproductivna endokrinologija, Šećerna bolest, Gojaznost, Rijetke bolesti u endokrinologiji, Pedijatrijska endokrinologija.

Naučni program kongresa je bio vrlo sadržajan i obuhvatio je 10 plenarnih predavanja, 10 simpozija o najznačajnijim temama u endokrinologiji, oralne

prezentacije, radionicu mladih endokrinologa i radionicu o monitoringu dijabetesa, te Kurs ultrazvuka štitne žlijezde.

Medicinske sestre koje su aktivni sudionici uspješnog tretmana osoba koje boluju od endokrinih bolesti, uzele su aktivno učešće u radionici o monitoring dijabetesa.

Tokom kongresa odata je zahvalnost svim učiteljima BiH endokrinologije: Akademik Prof. dr Husref Tahirović, Prof. dr Dževad Poljaković, Prof. dr Muhamed Hadžimejlić, Prof. dr Mirko Grujić, Prof. dr Bećir Heljić, Prof. dr Salem Alajbegović.

Na žalost mnogi među njima više nisu među živima i njima je odata posebna počast (Prof. dr Muhamed Hadžimejlić, Prof. dr Bećir Heljić, Prof. dr Mirko Grujić, Prim. Dr Zorislav Hrisafović, Dr Emina Kikanović, Prim. Dr Mehmed Ljuta, Prim. Dr Adem Filipović, Prim. Dr Kemal Nikšić, Dr Zlatko Čvorović, Dr Zulum Nijaz, Dr Vatroslav Pervan).

Na kongresu su dodijeljena priznanja za međunarodnu saradnju i doprinos u unapređenju endokrinologije u BiH koje su dodijeljene prof. dr Đuri Macut (Srbija), prof. dr Tatjani Milenković (S. Makedonija), Prof. dr Tomažu Kocjan (Slovenija), prof. dr Dariu Rahelić (Hrvatska), Prof. dr Maji Radman (Hrvatska), doc dr Jelici Bjekić-Macut (Srbija) te zahvalnice drugim stranim ekspertima koju su prepoznali rad Udruženja endokrinologa i dijabetologa u BiH i podržali 4. kongres endokrinologa i dijabetologa u BiH sa međunarodnim učešćem. Zahvalnice su dodijeljene prof. dr Nam H Cho (Južna Koreja), Prof. dr Beata Kudla Kos (Poljska), Prof. dr George Mastorakos (Grčka), prof. dr Anton Luger (Austrija).

Naravno, kongres je realiziran uz podršku brojnih sponzora, farmaceutskih kuća i partnera, na čemu im se organizatori posebno zahvaljuju.

Prema mišljenju stranih eminentnih stručnjaka, naučni program kongresa je ocijenjen kao odličan. Učesnici kongresa su pokazali visok stepen profesionalizma, jaku motiviranost, dobru organiziranost i odličnu energiju što je rezultiralo pozitivnim ishodom. Organizacija kongresa na zadovoljstvo svih sudionika je bila izuzetna i zadovoljila je visoke kriterije modernih konferencija.

Da naglasimo i to da je skup bio izvanredna prilika za povezivanje i produbljivanje partnerstva i saradnje između regionalnih udruženja za endokrinologiju i dijabetologiju i da su svi njegovi zacrtani ciljevi u potpunosti ispunjeni.